

138.

Na osnovu člana 22. stav (3) tačka 3. Zakona o unutrašnjim poslovima Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 15/04, 11/05 i 9/09) i člana 58. stav (1) tačka d) Zakona o nabavljanju, držanju i nošenju oružja i municije (“Službene novine Zeničko-dobojskog kantona”, broj: 19/09), na prijedlog policijskog komesara, ministar Ministarstva unutrašnjih poslova Zeničko-dobojskog kantona, d o n o s i

**P R A V I L N I K**  
**O SMJEŠTAJU I ČUVANJU ORUŽJA, VOĐENJU**  
**EVIDENCIJE O NABAVLJENOM ORUŽJU I**  
**MUNICIJI, EVIDENCIJE O PROMETU ORUŽJA I**  
**MUNICIJE I OBRASCIMA I SADRŽAJU**  
**OBRAZACA ZA VOĐENJE TIH EVIDENCIJA**

**DIO PRVI – OPĆE ODREDBE**

**Član 1.**  
**(Predmet)**

Ovim Pravilnikom propisuju se pravila smještaja i čuvanja oružja i municije, način vođenja evidencije o nabavljenom oružju i municiji u državnim organima, ustanovama i drugim pravnim licima, koji nabavljaju i drže oružje i municiju u skladu sa Zakonom o nabavljanju, držanju i nošenju oružja i municije (“Službene novine Zeničko-dobojskog kantona”, broj: 19/09), te pravila vođenja evidencija o prometu oružja i municije pravnih lica i obrtnika koji se bave prometom oružja i municije, o obrascima i sadržaju obrazaca za vođenje tih evidencija.

**DIO DRUGI – SMJEŠTAJ I ČUVANJE ORUŽJA I**  
**VOĐENJE EVIDENCIJA O NABAVLJENOM**  
**ORUŽJU I MUNICIJI**

**Član 2.**  
**(Smještaj i čuvanje oružja)**

- (1) Državni organi, ustanove i druga pravna lica iz člana 1. ovog Pravilnika dužni su da smještaju i čuvaju oružje i municiju u prostoriji koja je obezbjeđena od požara, krađe, pristupa neovlaštenih lica i svake druge opasnosti i zloupotrebe.
- (2) Subjekti iz stava (1) ovog člana lica dužni su da odrede lice koje je posebno zaduženo za izdavanje, preuzimanje i čuvanje oružja i municije, kao i za vođenje evidencije o oružju i municiji koji se izdaju

na korištenje njihovim zaposlenicima odnosno članovima.

**Član 3.**

**(Evidencija o nabavljenom oružju u državnim organima, ustanovama i drugim pravnim licima)**

- (1) Državni organi, ustanove i druga pravna lica dužni su voditi Evidenciju o nabavljenom oružju.
- (2) Evidencija o nabavljenom oružju treba da za svako pojedino oružje sadrži sljedeće podatke: redni broj; datum nabavljanja oružja; podaci o oružju, i to: vrsta, marka, fabrički broj i kalibar; naziv nadležne policijske stanice i broj i datum odobrenja za nabavku oružja; podaci gdje se oružje nalazi i primjedba.
- (3) Evidencija o nabavljenom oružju iz stava (2) ovog člana vodi se na obrascu broj 1.

**Član 4.**

**(Evidencija o nabavljenoj municiji u državnim organima, ustanovama i drugim pravnim licima)**

- (1) Državni organi, ustanove i druga pravna lica dužni su voditi Evidenciju o nabavljenoj municiji.
- (2) Evidencija o nabavljenoj municiji treba da sadrži sljedeće podatke: redni broj; datum nabavljanja municije; naziv nadležne policijske stanice i broj i datum odobrenja za nabavku municije; podaci o municiji, i to: vrsta, kalibar broj ili količina; razduženje - podaci o načinu raspolaganja i primjedba.
- (3) Evidencija o nabavljenoj municiji iz stava (2) ovog člana vodi se na obrascu broj 2.

**DIO TREĆI – EVIDENCIJE O PROMETU ORUŽJA**  
**I MUNICIJE**

**Član 5.**

**(Evidencije o prometu oružja i municije)**

- (1) Pravna lica i obrtnici koji se bave prometom oružja i municije vode o tome evidencije, i to:
  - a) Evidenciju o nabavljenom oružju i municiji,
  - b) Evidenciju o prodatom oružju,
  - c) Evidenciju o prodatoj municiji i
  - d) Evidenciju o oružju i municiji primljenim na čuvanje.
- (2) Evidencije iz stava (1) ovog člana vode se u obliku knjige, koja mora biti tvrdo ukoričena i sa označenim stranicama. Na početku knjige nadležna policijska stanica ovjerava broj stranica. Ova ovjera mora se izvršiti prije početka upisivanja u knjigu.

- (3) Pravna lica i obrtnici koji imaju veliki promet, mogu Evidenciju o nabavljenom oružju i Evidenciju o nabavljenoj municiji voditi u odvojenim knjigama.
- (4) Upis u evidencije vrši se čitko i uredno. Ispravke u evidencijama vrše se na taj način, što se pogrešno upisana riječ precrta tako da ostane čitljiva, a ispravna riječ ispisuje se iznad precrtane riječi. Ispravka se ovjerava potpisom zaposlenika koji je ispravku izvršio i pečatom pravnog lica, uz označenje datuma kada je ispravka izvršena.

#### Član 6.

##### (Evidencija o nabavljenom oružju i municiji)

- (1) U Evidenciju o nabavljenom oružju i municiji upisuju se sljedeći podaci: redni broj; od koga je nabavljeno oružje - municija; datum prijema i broj dostavnice; podaci o oružju (vrsta, marka, fabrički broj, kalibar i komada); podaci o municiji (vrsta, kalibar i broj ili količina) i primjedba.
- (2) Evidencija iz stava (1) ovog člana vodi se na obrascu broj 3.
- (3) U evidenciju iz stava (1) ovog člana se unose i podaci o nabavljanju oružja putem ugovora o zamjeni iz člana 21. stav (3) Zakona o nabavljanju, držanju i nošenju oružja i municije.

#### Član 7.

##### (Evidencija o prodatom oružju)

- (1) U Evidenciji o prodatom oružju upisuju se sljedeći podaci: redni broj; datum prodaje oružja; prezime i ime - naziv kupca, adresa prebivališta odnosno sjedišta kupca; podaci o oružju (vrsta, marka, kalibar i fabrički broj); naziv policijske stanice koja je izdala odobrenje za nabavku oružja i broj i datum odobrenja za nabavku; serijski broj i mjesto izdavanja lične karte kupca oružja i primjedba.
- (2) Evidencija iz stava (1) ovog člana vodi se na obrascu broj 4.

#### Član 8.

##### (Evidencija o prodatoj municiji)

- (1) U Evidenciju o prodatoj municiji upisuju se sljedeći podaci: redni broj; datum prodaje municije; prezime i ime - naziv kupca; adresa prebivališta odnosno sjedišta kupca; podaci o municiji (vrsta, kalibar, broj ili količina); registarski broj oružnog lista - odobrenja za držanje i naziv policijske stanice koja ga je izdala; broj i datum odobrenja za nabavku municije i naziv policijske stanice koja ga je izdala; serijski broj i mjesto izdavanje lične karte kupca municije i primjedba.
- (2) Evidencija iz stava (1) ovog člana vodi se na obrascu broj 5.

#### Član 9.

##### (Evidencija o oružju i municiji primljenim na čuvanje)

- (1) U Evidenciju o oružju i municiji primljenim na čuvanje upisuju se sljedeći podaci: redni broj; prezime i ime odnosno, naziv državnog organa uprave i drugog pravnog lica i adresa prebivališta, odnosno sjedišta; datum predaje – prijema oružja, podaci o oružju (vrsta, marka, kalibar i fabrički broj); podaci o municiji (vrsta, kalibar, broj ili količina), registarski broj oružnog lista – odobrenja za držanje i naziv policijske stanice koja je izdala oružni list; serijski broj i mjesto izdavanje lične karte lica koje predaje oružje, odnosno municiju na čuvanje i primjedba.
- (2) Evidencija iz stava (1) ovog člana vodi se na obrascu broj 6.

#### Član 10.

##### (Način vođenja evidencija)

- (1) Evidencije iz čl. 3., 4. i 5. ovog Pravilnika vode se odvojeno za svaku kalendarsku godinu.
- (2) Po isteku kalendarske godine evidencije se zaključuju sa posljednjim rednim brojem upisa za proteklu godinu i zaključenje se ovjerava potpisom ovlaštenog zaposlenika i pečatom državnog organa ili drugog pravnog lica. Ako se sa upisima nastavlja u istoj knjizi, pri vrhu stranice ispisuje se nova tekuća kalendarska godina i sa upisima se počinje od rednog broja "1".

#### Član 11.

##### (Vremenski period čuvanja evidencija)

Knjige evidencija propisanih ovim Pravilnikom čuvaju se najmanje pet godina od dana posljednjeg upisa u tim knjigama.

### DIO ČETVRTI – PRELAZNE I ZAVRŠNE ODREDBE

#### Član 12.

##### (Obrasci)

Za vođenje evidencija propisanih ovim Pravilnikom državni organi, ustanove, pravna lica i obrtnici koristit će obrasce broj 1 do 6 koji su sastavni dio ovog Pravilnika.

#### Član 13.

##### (Rok za ustrojavanje evidencija)

Državni organi, ustanove i druga pravna lica koji smještaju i čuvaju oružje i municiju i pravna lica i obrtnici koji vrše promet oružja i municije u skladu sa Zakonom o nabavljanju, držanju i nošenju oružja i municije, dužna su







**Obrazac broj 6.**

**EVIDENCIJA O ORUŽJU I MUNICIJI PRIMLJENIM NA ČUVANJE**

Red. broj	Prezime i ime-naziv državnog organa i drugog pravnog lica i adresa prebivališta-sjedišta	Datum predaje-prijema	Podaci o oružju				Podaci o municiji			Reg.broj oružnog lista-odbrenja za držanje i naziv PS koja ga je izdala	Serijski broj i mjesto izdavanja lične karte lica koje predaje oružje, odnosno municiju na čuvanje	Primjedba
			Vrsta	Marka	Kalibar	Fabričk i broj	Vrsta	Kalibar	Broj ili količina			

.....

139.

Na osnovu člana 22 stav (3) tačka 3. Zakona o unutrašnjim poslovima Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 15/04, 11/05 i 9/09), člana 9 stav (9) Zakona o nabavljanju, držanju i nošenju oružja i municije („Službene novine Zeničko-dobojskog kantona“, broj 19/09) i člana 11 Pravilnika o programu, načinu i troškovima rada komisije za ocjenjivanje osposobljenosti za pravilno rukovanje, držanje i nošenje vatrenog oružja broj 08-01-02-1-1837-1/10 od 22. 3. 2010. godine, na prijedlog policijskog komesara, ministar Ministarstva unutrašnjih poslova Zeničko-dobojskog kantona donosi:

### O D L U K U

**o utvrđivanju troškova polaganja ispita o ocjeni osposobljenosti za pravilno rukovanje, držanje i nošenje oružja**

#### I

Ovom odlukom utvrđuje se visina naknade za polaganje ispita o ocjeni osposobljenosti za pravilno rukovanje, držanje i nošenje vatrenog oružja.

#### II

Naknada iz tačke I ove odluke utvrđene se u iznosu od 20 (dvadeset) konvertibilnih maraka.

#### III

Naknada iz tačke II ove odluke uplaćuje se na račun Budžeta Zeničko-dobojskog kantona.

#### IV

Ova odluka stupa na snagu danom objavljivanja u „Službenim novinama Zeničko-dobojskog kantona“.

Broj: 08-01/02-1-1837-7/10

Dana: 23.03.2010. godine  
Zenica

**MINISTAR**  
**Aziz Brotlija, s.r.**

### MINISTARSTVO ZA OBRAZOVANJE, NAUKU, KULTURU I SPORT

140.

U skladu sa članom 14. stav 1., Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj 13/08 - prečišćeni tekst) i članom 18. Pravilnika o stjecanju zvanja vozača – instruktora motornih vozila („Službeni glasnik Bosne i Hercegovine“, broj 15/07 i 41/07), ministrica Ministarstva za obrazovanje, nauku, kulturu i sport Zeničko-dobojskog kantona, donosi:

### R J E Š E N J E

**o imenovanju Komisije za provođenje ispita za stjecanje zvanja vozača – instruktora motornih vozila**

#### Član 1.

##### (Sastav Komisije)

Imenuje se Komisija za provođenje ispita za stjecanje zvanja vozača – instruktora motornih vozila (u daljem tekstu: Komisija) u sastavu:

- Eladina Mujičić, dipl. ing. saobraćaja, (predsjednica Komisije);
- Akif Smailhodžić, dipl. inž. saobraćaja, za ispitivača iz poznavanja propisa o sigurnosti saobraćaja na putevima, (član);
- Franjo Zovko, dipl. ing. saobraćaja, za ispitivača iz poznavanja propisa o sigurnosti saobraćaja na putevima, (član);
- Eniz Kamenjaš, dipl. ing. mašinstva, za ispitivača iz poznavanja motornih vozila, uređaja i opreme. (član);
- Ibrahim Mustafić, dipl. ing. mašinstva, za ispitivača iz poznavanja motornih vozila, uređaja i opreme. (član);
- Nusret Skula, dipl. ing. saobraćaja, za ispitivača iz metodike vožnje (član);
- Edin Heleg, dipl. ing. saobraćaja, za ispitivača iz metodike vožnje (član);
- Senad Ridžal, za ispitivača iz upravljanja motornim vozilom (član);
- Nermin Bajtarević, vozač specijalista, za ispitivača iz upravljanja motornim vozilom (član);
- Anela Hasanagić, mr. psihologije, za ispitivača iz saobraćajne psihologije i pedagogije (član);
- Vildana Neimarlija, prof. pedagogije, za ispitivača iz pedagogije i saobraćajne psihologije (član);
- Eldin Durmić, dipl. pravnik (sekretar).